

ULOGA UČITELJA U BORILAČKIM SPORTOVIMA

Stručni rad

Sažetak

Uloga učitelja u borilačkim vještinama je uslovljena drevnim istočnjačkim filozofskim i duhovnim tradicijama čije su suštinske ideje inkorporirane u različitim formama borilačkim školama, posebno u aikidou i tai-čiu. Najdublja bit borilačkih vještina je izražena u profinjenim etičkim vrijednostima kao što su; tolerancija, ljubaznost i nenasilje. Učitelji borilačkih vještina, pomoću "meditacije u pokretu" (kata, kihon i kumite), prenose duh harmonije i dubokog smirenja insistirajući na razvijanju "unutarnje mudrosti" i "unutarnje energije". Jedinstvo mekoće i snage (jin i jang) je jedna od osnovnih ideja (borilačkih vještina) koja obuhvata duh i tijelo i koja se nikada ne može reducirati na nivo isključivo fizičke snage – što je simbolizirano slikom elastične grančice i fleksibilnošću prividno slabih formi života. Nježnost je znak života dok je rigidnost znak smrti i zato se istinski duh ratnika (bushido) postepeno otkriva u kontemplaciji "dinamične harmonije" ili "nepokretnog centra". Učitelji borilačkih vještina slijede drevne etičke principe i oni emaniraju duh pomirenja i harmonije. Vanjska forma borilačkih vještina može zavarati one koji ne razumiju konačni cilj tradicionalnih istočnjačkih škola borenja; razvoj ličnosti i prosvjetljenje nepobjedivog puta "ratnika mira".